



1^o DE MAYU

TRABAYAR MENOS
PARA TRABAYAR TOES

Pola reducción de la xornada llaboral
y la eliminación de les hoeres extras



eluckyMOLLY

Hai qu'esixir que se reparta'l trabayu y la riqueza

El 1º de Mayu siempre tien de ser un día reivindicativu y de llucha como garantía de los derechos: al **trabayu dignu**; a una **xornada llaboral** que faiga posible conciliar el trabayu cola vida; a un **salariu y unes prestaciones sociales suficientes**, pa cuando se tien emplegu y tamién pa cuando nun se tien, por aciu una **Renta Básica de los Iguales**; a **pensiones** afayadices para vivir con dignidá, para lluchar escontra les reformas llaborales, los desahucios o les lleis mordaza.

L'**emprobecimientu** material de millones de trabayadores, al traviés de mecanismos como'l retayu masivu de les rentes salariales, ta xenerando **una de les sociedaes más desiguales del mundu**. Según datos del Bancu d'España, el 25% de la población del estáu español vivía yá n'arriscu de probeza o exclusión social antes de la pandemia. La situación cuando ésta termine pue ser catastrófica. Esto supón que 4,5 millones de llares nun pueden facer frente a necesidaes tan básiques como pagar un arriendu o una hipoteca, caltener calientes les sos cases o, cenciellamente, comer tolos díes.

Cuatro millones de persones en paru, a les que l'estáu niéga-yos el so derechu más esencial como clase trabayadora: el derechu a "ganase la vida". Tampoco yos-reconoz l'estáu el derechu a unes **prestaciones sociales** o a una **Renta Básica de los Iguales** abonda pa vivir dignamente.

Arrayente a ello, l'añu pasáu realizáronse casi **25 millones d'hores extraordinaries, de les que nun se pagaron más de 11 millones**. Y resulta especialmente abluicante'l datu que, nel casu de les muyeres, más de la metá de les hores extraordinaries nun fueron retribuyíes.

L'**andanciu, amás, evidenció otre vergüences del sistema**. Púnxose l'interés económicu percima de la vida de les persones; atregáronse intereses particulares percima de les necesidaes de la inmensa mayoría; delles alministraciones miraron escontra otru llau cuando s'incumplíen sistemáticamente distintos preceptos llegalés; manga ancha con unos y llei del embudu pa otre. **El sistema sanitariu, llaceriáu de muerte tres les continúes privatizaciones**, colapsóse y, a tenor de los fechos —que son emporfiaos—, la sanidá privada amosó la so enorme incapacidá.

Vienen tiempos difíciles, tiempos convulsos, tiempos onde los intereses de les élites van tratar d'imponese nuevamente a la clase trabayadora. Sicasi, nun podemos dexar que la crisis la paguen, una vegada más, los y les de siempre. Porque sedría intolerable que dexáramos, como sociedá, un nuevu rescate a les entidaes financieras y mientres les condiciones de vida de la clase obrera siguen desgradándose a velocidá de vértigu.

Esti **1º de Mayu**, tien de seguir siendo'l día nel que millones y millones de trabayadores, digamos **abasta** y enllenemos les nueses vides cotidianes, non de sufrimientu nin desesperación, sinón de **Llibertá**, imponiendo a gobiernos, empresarios y poderosos, otru **Orde Social**, otru sistema, onde la repartida del trabayu y de la riqueza, faiga qu'una **vida digna** pa toles persones sía posible equí y agora.

¡VIVA'L 1 DE MAYU!

¡VIVA LA LLUCHA DE LA CLASE TRABAYADORA!

Confederación Xeneral del Trabayu

